

## 01

### 长歌行

倏烁夕星流。昱奕朝露团。  
粲粲乌有停。泫泫岂暂安。  
徂龄速飞电。颓节鹜惊湍。  
览物起悲绪。顾已识忧端。  
朽貌改鲜色。悴容变柔颜。  
变改苟催促。容色乌盘桓。  
亹亹衰期迫。靡靡壮志阑。  
既惭臧孙慨。先愧杨子叹。  
寸阴果有逝。尺素竟无观。  
幸除道念戚。且取长歌欢。

## 02

### 登永嘉绿障山诗

裹粮杖轻策，怀迟上幽室。  
行源径转远，距陆情未毕。  
澹澹结寒姿，团团润霜质。  
涧委水屡迷，林迴岩逾密。  
眷西谓初月，顾东疑落日。  
践夕奄昏曙，蔽翳皆周悉。  
蛊上贵不事，履二美贞吉。  
幽人常坦步，高尚邈难匹。  
颐阿竟何端，寂寂寄抱一。  
恬如既已交，缮性自此出。

## 03

### 邻里相送至方山诗

祗役出皇邑，相期憩函越。  
解缆及流潮，怀旧不能发。  
析析就衰林，皎皎明秋月。  
含情易为盈，遇物难可歇。  
积疴谢生虑，寡欲罕所阙。  
资此永幽栖，岂伊年岁别。  
各勉日新志，音尘慰寂蔑。

## 04

### 石壁立招提精舍诗

四城有顿蹶。三世无极已。  
浮欢昧眼前。沉照贯终始。  
壮龄缓前期。颓年迫暮齿。  
挥霍梦幻顷。飘忽风电起。  
良缘迨未谢。时逝不可俟。  
敬拟灵鹫山。尚想祗洹轨。  
绝溜飞庭前。高林映窗里。  
禅室栖空观。讲宇析妙理。

## 05

### 酬从弟惠连诗

其二。

心胸既云披，意得咸在斯。  
凌涧寻我室，散帙问所知。  
夕虑晓月流，朝忌曛日驰。  
悟对无厌歇，聚散成分离。

## 06

### 拟魏太子邺中集诗八首

其二。

王粲。家本秦川，贵公子孙，遭乱流寓，自伤情多。

幽厉昔崩乱，桓灵今板荡。  
伊洛既燎烟，函崤没无像。  
整装辞秦川，秣马赴楚壤。  
沮漳自可美，客心非外奖。  
常叹诗人言，式微何由往。  
上宰奉皇灵，侯伯咸宗长。  
云骑乱汉南，纪郢皆扫荡。  
排雾属盛明，披云对清朗。  
庆泰欲重叠，公子特先赏。  
不谓息肩愿，一旦值明两。  
并载游邺京，方舟泛河广。  
绸缪清燕娱，寂寥梁栋响。  
既作长夜饮，岂顾乘日养。

## 07

### 斋中读书诗

昔余游京华，未尝废丘壑。  
矧乃归山川，心迹双寂寞。  
虚馆绝诤讼，空庭来鸟雀。  
卧疾丰暇豫，翰墨时间作。  
怀抱观古今，寝食展戏谑。  
既笑沮溺苦，又哂子云阁。  
执戟亦以疲，耕稼岂云乐。  
万事难并欢，达生幸可托。

## 08

## 发归濑三瀑布望两溪诗

我行乘日垂，放舟候月圆。  
沫江免风涛，涉清弄漪涟。  
积石竦两溪，飞泉倒三山。  
亦既穷登陟，荒藹横目前。  
窥岩不睹景，披林岂见天。  
阳乌尚倾翰，幽篁未为遄。  
退寻平常时，安知巢穴难。  
风雨非攸吝，拥志谁与宣。  
倘有同枝条，此日即千年。

## 09

### 燕歌行

孟冬初寒节气成，悲风入闺霜依庭。  
秋蝉噪柳燕辞楹，念君行役怨边城。  
君何崎岖久徂征，岂无膏沐感鹳鸣。  
对君不乐泪沾纓，辟窗开幌弄秦箏。  
调弦促柱多哀声，遥夜明月鉴帷屏。  
谁知河汉浅且清，展转思服悲明星。

PS：由于不是全职博主，平日还要上课学习，时间有限，此处仅放简体原文，有其他需求的朋友请多多体谅移步google。谢谢！

编辑：Sachi 排版：Lulu

Clubhouse Room



海峽群島

欢迎加入群组讨论

不要忘了还有西园



该二维码7天内(4月19日前)有效,重新进入将更新

海峽群島

点击左下角“阅读原文”获取往期诗单

Read more